

Jü Carta Báij Huëpo San Juanta Jïojtekähui

Teboteri

¹ Empo Gáayo, tua lütüriapo ín nákehui, émoune tebote, ínapo Juan, jü yöturi.

² Empo nákuame, ínapone símeku tüisi emou huée ia éntoke takahuapo al-lehuamta enchi jípunakähui, jachin juka em jíapsi al-lehuäpo yötu Bénasi.

³ Tüisine al-leaka taahuak, jume huate hermaanom äbo yájaka emo bétana türík am nokak tíaka, jáchin huam lütüria páman em huéhui.

⁴ Kaita éntok chë nee al-leetua, jume ín majtiakähui lütüria páman am katë bétana ín jíkkajähui.

⁵ Empo nákuame, huitti emo nühuäpo türi jum em joähui, jume hermaanommeu tühuata joäka, té chë junne jume ito násuk kaa täyahuame.

⁶ Bempom iglesiata bíchápo ä jüneriatebo juka yore nakhuamta em jípuréhui, entok türi eiyey empo am böo tójakäteko, entok Diosta nesahui johuäpo itot näikiata jípu béchïbo bempörim bat bíchaa böota bem hueriunakepo.

⁷ Bueítuk bempo yeu sákala Jesucristota téhuam bem nakë béchïbo, jume Diosta kaa súaleme bétana kaita mabetaka.

⁸ Kíaliku ítapo jume junëli rejteme aníapo yúmala, jum lútüriata yore majtياهوápo náu tekipanoá béchibo.

Diótrefesta am bej-reka anëhui

⁹ Ínapone jume Jesucristota sáalhuápo nau animmeu jiojtek, të jü Diótrefes, ìri huaka simempat bát au kechahuamta türeme, kayta itomak jipübareka tahuala.

¹⁰ Ìari béchibo, ínapo áman sikátek, huaka kaa tühuata ä joäune yeu buijnake, juka kaa huéelápo juénasi itot ä nokähui. Kía huärimak kaa al-leaka, jume hermaanom kaa mamabeta, éntok huame am mabet báareme júne kaa am mabet íaa. Entok iglesiapo yeu am bebba.

¹¹ Empo nákuame, katë huaka juénasi anemta mamato, ál-la juka tühuata joamta. Tühuata joamta Dios ä áttiak. Të jü kaa tühuata joame, Diosta kaa bil-la.

Demetriota bétana tühua nokhuame

¹² Síme Demetriota bétana türik nooka, éntok hua lütüria ä joäu júne yeu ä buísse, ä tü yöremtukähui. Ítapo júne két türik áa bétana nooka, éntok eme ket jüneiya juka itom nokäu lütüriatukähui.

Teboteri ä chúpëpo

¹³ Ínapo juebenak emou jiojte báare jioöbe, tene kaa tintay entok plumay ä jiojte báare,

¹⁴ bueitukne läuti enchi ino bít máchile. Huanäite ito pujba bíchaka náu ettejonake.

¹⁵ Jü yanti jíapsihuame émomaktunake.
Jume em amigom ím aneme enchi tebotua.
Émpë síme itom ín amigom hueepulam tebotuä.

Mayo

Mayo: Diosta nooki yorem nokpo New Testament

copyright © 2014 Wycliffe Bible Translators, Inc.

Language: Mayo

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 11 Jun 2026 from source
files dated 13 May 2025

84020f7b-8f34-5f65-803f-a2c6c92b92ea